

UGOVOR O NABAVCI ROBE LABORATORIJSKA SAOBRAĆAJNA OPREMA ZA

LOT 1 – Instrumenti za mjerenje; LOT 2 – Simulator vožnje; LOT 5 – Laboratorijska optička i precizna oprema; LOT 6 – Globalni sistemi navigacije i pozicioniranje.

Zaključen između Ugovornih strana:

1. UNIVERZITET U SARAJEVU, Obala Kulina bana br. 7/II, Sarajevo, koga zastupa rektor prof. dr. Rifat Škrijelj (u daljem tekstu: Kupac)
ID: 4200494560007

i

2. Telnet d.o.o. Sarajevo, ul. Stupska bb, 71000 Sarajevo koga zastupa direktor Aida Višća (u daljem tekstu: Prodavac):

ID broj: 4202070350005

Broj transakcijskog računa: 1011040072712835 otvoren kod Privredne banke Sarajevo

Ovaj Ugovor se zaključuje na osnovu Odluka broj: 0101-6960-7-1/19; 0101-6960-7-2/19; 0101-6960-7-5/19; 0101-6960-7-6/19; od 23.09.2019. godine o izboru najpovoljnijeg ponuđača i dodjeli ugovora, koja je donesena nakon provedenog OTVORENOG POSTUPKA, za koji je dana 28.08.2019. godine na Portalu javnih nabavki BiH, objavljeno Obavještenje o nabavci broj: 999-1-1-83-3-71/19.

I. PREDMET UGOVORA

Član 1.

Predmet ovog Ugovora je nabavka robe: **Laboratorijska saobraćajna oprema i softver - LOT 1 – Instrumenti za mjerenje; LOT 2 – Simulator vožnje; LOT 5 – Laboratorijska optička i precizna oprema; LOT 6 – Globalni sistemi navigacije i pozicioniranje** (u daljem tekstu: Roba) za potrebe i po zahtjevu Kupca, u svemu prema Tenderskoj dokumentaciji broj: 0101-6960-3/19 od 28.08.2019. godine (u daljem tekstu: Tenderska dokumentacija) i ponudi Prodavca broj: 0148 od 05.09.2019. godine (u daljnjem tekstu: Ponuda Prodavca), koje čine sastavni dio ovog Ugovora.

II. CIJENA

Član 2.

(1) Ukupna cijena predmeta ugovora:

LOT 1	
1.	16.360,00 KM bez PDV-a (slovima: šesnaest hiljadatristitinešezdeset KM i 00/100) <i>Oslobođeno plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekata koji se finansira iz IPA II Fonda u skladu sa Okvirnim sporazumom ("Službeni glasnik BiH" – Međunarodni ugovori, broj 6/15)</i>
LOT 2	
2.	12.350,00 KM bez PDV-a (slovima: dvanaest hiljadatristotinepedeset KM i 00/100) <i>Oslobođeno plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekata koji se finansira iz IPA II Fonda u</i>

	<i>skladu sa Okvirnim sporazumom ("Službeni glasnik BiH" – Međunarodni ugovori, broj 6/15)</i>
LOT 5	
3.	<p>1.900,00 KM bez PDV-a (slovima: hiljadu i devetstotina KM i 00/100)</p> <p><i>Oslobođeno plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekata koji se finansira iz IPA II Fonda u skladu sa Okvirnim sporazumom ("Službeni glasnik BiH" – Međunarodni ugovori, broj 6/15)</i></p>
LOT 6	
4.	<p>1.580,00 KM bez PDV-a (slovima: hiljadu i petstotina osamdeset KM i 00/100)</p> <p><i>Oslobođeno plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekata koji se finansira iz IPA II Fonda u skladu sa Okvirnim sporazumom ("Službeni glasnik BiH" – Međunarodni ugovori, broj 6/15)</i></p>

(2) Cijene Robe obuhvataju sve troškove (carine, takse i ostale dažbine) do isporuke Robe na adresi krajnjeg korisnika Kupca (paritet: DDP krajnji korisnik na naznačenoj destinaciji), raspakovano instalirano, povezano i pušteno u rad.

(3) Ugovorena cijena iz stava (1) ovog člana je fiksna i neće se mijenjati tokom perioda realizacije ovog Ugovora.

III. ROK I NAČIN PLAĆANJA

Član 3.

(1) Ugovorne strane su saglasne da će Kupac izvršiti plaćanje preuzete Robe u roku od 30 (trideset) dana od dana prijema potpisane i ovjerene fakture od strane Prodavca.

(2) Prodavac je dužan da uz fakturu dostavi otpremnicu, potpisan „Zapisnik o kvantitativnom i kvalitativnom prijemu Robe“

(3) Prodavac dostavlja fakturu sa propratnom dokumentacijom na Pisarnicu Univerziteta u Sarajevu, Obala Kulina bana 7/II, 71 000 Sarajevo.

(4) Plaćanje se vrši po dospjeću na transakcijski račun Prodavca, odnosno podugovarača (ako Prodavac ima namjeru da dio ugovora podugovaranjem prenese na podugovarača i ako je predviđeno direktno plaćanje podugovaraču).

IV. MJESTO ISPORUKE ROBE

Član 4.

Mjesto isporuke Robe je:

- Fakultet za saobraćaj i komunikacije Univerziteta u Sarajevu, Zmaja od Bosne br. 8, (Objekat 33), Kampus Univerziteta u Sarajevu.

V. ROK ISPORUKE ROBE

Član 5.

- (1) Prodavac se obavezuje da će isporuku Robe izvršiti jednokratno i to u roku od 30kalendarskih dana od dana potpisivanja ovog Ugovora.
- (2) Dinamika instalacije i konfiguracije Robe biće naknadno utvrđena od strane Kupca, u skladu sa planom realizacije ovog Ugovora.
- (3) Ukoliko se pojave nepredviđene okolnosti i slučajevi koji onemogućavaju isporuku Robe u roku iz stava (1) ovog člana, Prodavac je dužan da pismenim putem obavijesti Kupca odmah, a najkasnije 48 (četrdesetosam) sati nakon pojave nepredviđenih okolnosti, kako bi Kupac cijeneći nastale okolnosti, mogao da razmotri eventualnu mogućnost produženja ugovorenog roka.

VI. NAČIN ISPORUKE/PRIJEMA ROBE

Član 6.

- (1) Prodavac je dužan da isporuči Robu, koja je nova, nekorištena i u originalnom pakovanju.
- (2) Prodavac je dužan da isporuči Robu, koja zadovoljava sve tražene uslove u pogledu tehničke specifikacije i kvaliteta.
- (3) Isporuka Robe podrazumijeva dopremanje, instaliranje, povezivanje i puštanje u rad u mjestu isporuke.
- (4) Prodavac se obavezuje da prilikom isporuke Robe Kupcu preda originalnu dokumentaciju sa tehničkim karakteristikama Robe, te korisničku dokumentaciju neophodnu za instaliranje, korištenje i održavanje Robe.

Član 7.

- (1) Prilikom isporuke Robe, uobičajeni pregled i kontrolu isporučene Robe (kvalitet i kvantitet) kao i dokumentacije predate uz robu, izvršiće predstavnik/ci Kupca.
- (2) Ukoliko se konstatuje da isporučena roba odgovara zahtjevima navedenim u Tenderskoj dokumentaciji (LOT 1 - Instrumenti za mjerenje: Uređaj za mjerenje retrorefleksije saobraćajnih znakova sa sljedećim komponentama i karakteristikama: Osnovne komponente (Jedan adapter za ugao (-4 ° ASTM, + 5 ° CEN); Kovčeg; Referentna kalibracija s certifikatom ; Dvije baterije; Punjač za baterije (110 ili 230 V); Brzi vodič; Korisnički priručnik ; USB memorija za prijenos podataka; Punjač: 230 V / 50 Hz, Vrijeme punjenja: cca. 45 min; Izvlačiva, teleskopska drška za visoke znakove na koju se može montirati uređaj za mjerenje retrorefleksije). Osnovne karakteristike (Ugao ulaza / osvjetljenja: -4 ° ili + 5 °; Ugao promatranja: 0,2 ° ili 0,33 °; Tipična preciznost : · Ponovljivost: +/- 2%, Obnovljivost: +/- 5%; Vrijeme mjerenja: 1 sek.; Specifikacija radnog okruženja: Rad: 0 ° C do + 60 ° C / + 32 ° F do + 140 ° F, Skladištenje: -10 ° C do + 60 ° C / + 14 ° F do + 140 ° F, Preporučeno skladištenje: 0 do + 30 ° C / + 32 do 86 ° F, Vlaga: 85%, bez kondenzacije; Specifikacije mjerenja; Prepoznavanje boja mjerene senzorima; Barkodovi i QR kodovi izmjereni digitalnom kamerom; Područje mjerenja, Ø: 25 mm / 1,0 inča; Instrument automatski detektira i kompenzira okolinsku svjetlost; Memorija podataka: (2 mio. mjerenja bez slikaB i 2.000 mjerenja sa slikama); Napajanje: Punjiva i zamjenjiva Li-Ion baterija 10,8 V 2,0 Ah). Garancija 24 mjeseca); LOT 2 - Simulator vožnje: I. Desktop računar minimalnih karakteristika (Processor sa minimalno 4 fizičke jezgre sa brzinom od 3.60GHz (turbo boost 4.20GHz) LGA1151, 8MB cach L3, 65W ili ekvivalent; Matična ploča Z270,LGA1151,4xDDR4HDMI, 3xPCIex16,3xPCIe1,ATX ili ekvivalent; 32GB DDR4 3000MHzHyperX Predatorkit,CL15 288-Pin DIMM x2 (ukupno 64 GB) ili ekvivalent; SSD 250GB NVMe M.2,3500MB/s read2300MB/s write

ili ekvivalent; ODD DVD-RW SATA Black ili ekvivalent; Grafička karta GDDR6 8GB/256bit, 1710MHz/14000MHz, PCI-E 3.0 x16, HDMI, 3xDP, USB Type-C, WINDFORCE 3X Cooler (Double Slot) RGB Fusion, Metal Back Plate, Retail ili ekvivalent; Odgovarajuće kućište ili ekvivalent; PSU 750W Modular, 80+ Bronze 4xPCIe, 8xSATA ili ekvivalent; Licenciran Microsoft Windows 10 Pro 64bit; Zvučnici sistem 2.1 ili ekvivalent; Miš i tastatura USB, crni sa BH Layoutom ili ekvivalent). II. Volan za simulator G29 Driving Force Racing Wheel PS3/4 PC sa nožnim komandama (gas, kočnica, kvačilo). III. Ručni mjenjač za simulaciju vožnje (G29). Komponente 2. i 3. moraju sačinjavati cjelinu i biti međusobno kompatibilne. IV. Uređaj za praćenje pokreta glave sa senzorima TrackIR 5. V.. Monitor minimalno 27" (16:9), IPS LED backlit, AG, 3H coating, 1920x1080, 1000:1, 300 cd/m2, 5 ms (fast), 178°/178°, height-adjust., tilt, swivel, VESA (100 mm), DP, HDMI, VGA, 4 + 1 x USB hub, Black. VI. Monitor minimalno 49" (32:9), IPS LED backlit, Anti-glare, 3H Hard Coating, 5120 x 1440, 1000:1, 350 cd/m2, 5 ms, Curve radius: 3800R, height, tilt, swivel, VESA (100 mm), 2 x HDMI, DP, USB Type-C, USB 3.0 hub, Black. VII. Uređaj za praćenje pokreta oka u simulaciji vožnje sa slijedećim karakteristikama (mogućnost stavljanja uređaja na glavu integriranjen praćenja pokreta očiju u VR i AR okruženju; 2x kamera (kamera oka i kamera okruženja); kamera oka senzor Global Shutter. 200x200 @ 200fps, 400x400 @ 120 fps; IR kamera s osvjetljenjem s IR osvjetljenjem (praćenje tamne zjenice); atencija 4.5ms; USB povezivanje sa računarom; Garancija na opremu 12 mjeseci). VIII. Instaliranje i puštanje u rad sistema. Garancija za stavke od 1 do 7, na opremu je 24 mjeseca.); LOT 5 - Laboratorijska optička i precizna oprema: I. Uređaj za mjerenje usporenja na poligonu ili cesti sa slijedećim komponentama i mogućnostima (Portabl, baterijski uređaj za mjerenje usporenja kod radnih mašina, traktora, automobila, kamiona, autobusa i motocikala; Mikroprocesorski uređaj sa AD gravitacionim senzorom; LC displej i tastatura za prikaz podataka i izbor režima rada; RS 232 izlaz i PC softver za transfer podataka do računara; 20-to stubni štampač za ispis podataka i dijagrama; Mjerenje početne brzine, usporenja, pređenog puta i opciono sile pritiska na pedalu kočnice; Automatski obračun i procjena svih potrebnih vrijednosti, razlika i faktora; Punjač za 220 V i 12 V; Garancija na opremu 12 mjeseci.); LOT 6 - Globalni sistemi navigacije i pozicioniranje: 1. Kamera GPS sa slijedećim komponentama i karakteristikama: Osnovne karakteristike (Vodotpornost do 10 m; Temperaturni raspon Radna temperatura od 0 do 40 °C (32 do 104 °F), temperatura za punjenje od 0 do 45 °C (32 do 113 °F), temperatura za pohranu od -40 do 85 °C (-40 do 185 °F); Memorija UHS-I, microSD™ kartica klase U3 ili brža do 128 GB; Baterija punjiva litij-ionska baterija; Trajanje baterije do 1 sata i 5 minuta; Videozapisi; Rezolucija videozapisa 5,7K/30 FPS bez spajanja, 5K/30 FPS bez spajanja, 4K/30 FPS sa spajanjem, 3K/60 FPS bez spajanja; Načini rada s video zapisima videozapis s odmakom i vremenski odmak; Spajanje u kameri, do 4K/30 FPS; Ručno upravljanje kamerom; GPS/GLONASS; Određivanje lokacije; Brzinomjer, Barometar, Žiroskop, Kompas). Karakteristike zvuka (u 360 stepeni (4 mikrofona). Karakteristike fotografije i videa (Rezolucija fotografije do 15 megapiksela (za fotografije spojene u kameri); Načini rada s fotografijama jedna snimka, uzastopno snimanje fotografija, braketiranje ekspozicije, vremenski odmak, travelapse; Ručno upravljanje kamerom; Polje prikaza 360 stepeni, okomito i vodoravno; Način rada s jednim objektivom; Bežično Wi-Fi®, Bluetooth®, NFC (povezivanje jednim dodiranjem s Android uređajima), ANT+; Kompatibilnost s pametnim telefonima; VR način rada reprodukcija kompatibilna s Cardboard naglavnim kompletima; Stabilizacija kružnih videozapisa (do 4K); 3 načina rada: stabilizacija, zaključavanje, praćenje; Maksimalna brzina do 120 Mb/s (5,7K RAW); Kompatibilnost s VR tehnologijom; Polje prikaza 360 stepeni, okomito i vodoravno; Način rada s jednim objektivom; G-Metrix; Podaci u proširenoj stvarnosti (G-Metrix). Karakteristike podrške (upravljanje, stabilizacija, proširivanje, dijeljenje): (Računarski softver; Daljinski upravljač; Mobilna aplikacija; Glasovno upravljanje; Upravljanje jednim gumbom; Pregledavanje sadržaja u 360 stupnjeva u stvarnom vremenu s odgovarajućom aplikacijom; Zamjenjivi stakleni poklopci objektiva; Zaslon čitljiv na sunčevoj svjetlosti; Nosači standardni tronožac i nosač za akcijsku kameru). Garancija minimalno 12 mjeseci), i Ponudi Prodavca, sačinjava se „Zapisnik o kvantitativnom i kvalitativnom prijemu robe“, koji obostrano potpisuju predstavnici Prodavca i Kupca.

(3) Ukoliko predstavnik/ci Kupca, prilikom isporuke Robe konstatuje/u da isporučena Roba ne odgovara zahtjevima iz Tenderske dokumentacije (tražene tehničke karakteristike i kvantitet) i Ponudi Prodavca ili ustanovi/e bilo kakav nedostatak na isporučenoj Robi (neispravna, oštećena roba i sl.), odbit će prijem takve Robe, o tome sačinjavaju zapisnik o reklamaciji i dostavljaju ga Prodavcu, najkasnije u roku od 3 (tri) kalendarska dana od dana isporuke, a Prodavac se obavezuje da Kupcu o svom trošku isporuči drugu robu istih ili boljih karakteristika bez nedostatka ili da utvrđene nedostatke u kvalitetu i/ili kvantitetu otkloni najkasnije u roku od 3 (tri) kalendarska dana od dana prijema zapisnika o reklamaciji.

(4) Ukoliko Prodavac u ostavljenom roku ne isporuči drugu robu bez nedostataka, odnosno ne otkloni nedostatke, Kupac ima pravo da raskine ovaj Ugovor i zahtijeva naknadu štete o čemu pismeno obavještava Prodavca.

Član 8.

Ako se nakon primopredaje Robe pokaže neki nedostatak na Robi koji se nije mogao otkriti uobičajenim pregledom, Kupac je dužan da o tom nedostatku pisanim putem obavijesti Prodavca, odmah, odnosno u roku od 24 (dvadesetčetiri) sata od dana otkrivanja nedostatka.

VII. UGOVORNA KAZNA

Član 9.

(1) Ukoliko Prodavac svojom krivicom ne isporuči/instalira Robu u roku utvrđenom u člana 5. ovog Ugovora, a ne radi se o višoj sili, Prodavac se obavezuje da Kupcu plati ugovornu kaznu u visini od 0,2 % od ukupne ugovorenecijene Robe, za svaki dan kašnjenja, a najviše 5 % (petposto) od ukupno ugovorenecijene Robe.

(2) Prodavac je dužan platiti ugovornu kaznu u roku od 7 (sedam) dana od dana prijema zahtjeva od strane Kupca.

(3) Prodavac neće platiti ugovornu kaznu ako dokaže da nije kriv za kašnjenje u isporuci/instalaciji Robe.

Prodavac će platiti samo dio ugovorne kazne koji je srazmjeran njegovoj krivici, ako dokaže da je samo djelimično kriv za kašnjenje.

(4) Kupac neće moći naplatiti ugovornu kaznu ukoliko je do kašnjenja došlo usljed više sile.

(5) Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

(6) Ukoliko je zbog kašnjenja Prodavca u isporuci robe Kupac pretrpio štetu koja je veća od iznosa ugovorne kazne, Kupac može, umjesto ugovorne kazne od Prodavca zahtijevati naknadu štete, odnosno pored ugovorne kazne može da zahtijeva i razliku do punog iznosa pretrpljene štete.

(7) Ugovorna kazna iz stava 1. ovog člana počinje da se računa od prvog narednog dana od dana isteka ugovorenog roka i računa se do dana ispunjenja ugovorene obaveze, a najduže do dana u kome vrijednost obračunate ugovorne kazne dostigne 5 % (petposto) od ukupno ugovorenecijene robe u KM bez PDV-a.

(8) Pravo Kupca na naplatu ugovorne kazne ne utiče na pravo Kupca da zahtijeva naknadu štete.

VIII. OBAVEZE KUPCA

Član 10.

(1) Kupac se obavezuje da:

- prodavcu odredi termin za isporuku/instalaciju Robe;
- izvrši pregled i preuzimanje isporučene Robe, bez nedostataka (predstavnik/ci Kupca);
- da plati fakturu za isporučenu Robu, koja je u skladu sa zahtjevom Kupca, na način i rokovima utvrđenim ovim Ugovorom;
- Ugovorni organ se obavezuje ponuđačima dostaviti ovjerenu kopiju potvrde o oslobađanju od uvozne carine i PDV-a pri uvozu robe i za oslobađanje od plaćanja PDV-a i drugih indirektnih poreza pri nabavci dobara i usluga u Bosni i Hercegovini u okviru projekta koji se finasira iz IPA II Fonda u skladu sa Okvirnim sporazumom („Službeni glasnik BiH“ – Međunarodni ugovori, broj 6/15)

IX. OBAVEZE I ODGOVORNOSTI PRODAVCA

Član 11.

Prodavac se obavezuje da:

- isporuči Robu na mjestu i u roku utvrđenom ovim Ugovorom, koja odgovara zahtjevima i kvalitetu utvrđenom Tenderskom dokumentacijom, u skladu sa Ponudom Prodavca;
- riješi eventualne reklamacije Kupca potpisane od strane ovlaštenog predstavnika Kupca;
- izvrši sve radnje neophodne da Roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar, instaliranje i puštanje u rad na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme Robe za prijem;
- kvalitetno i uredno izvrši ovaj Ugovor u skladu sa nalogima Kupca, važećim propisima; pravilima i standardima struke za ovu vrstu posla, štiti prava i interese Kupca, te ga obavještava o toku realizacije ovog Ugovora;
- snosi sve rizike do konačnog prijema Robe u mjestu isporuke;
- izvrši instalaciju, konfiguraciju, integraciju sa komponentama i postojećom infrastrukturom, testiranje i puštanje u rad, a sve prema zahtjevu Kupca, kako je navedeno u Tenderskoj dokumentaciji;
- ispostavi fakturu za isporučenu Robu.

Član 12.

Prodavac odgovara za kvalitet isporučene Robe, saglasno propisima i standardima koji regulišu predmetnu oblast i uslovima za njenu proizvodnju i promet.

X. GARANCIJA

Član 13.

- (1) Prodavac daje garanciju Kupcu da Roba odgovara u svemu tehničkim normativima i važećim propisima.
- (2) Prodavac garantuje funkcionisanje i tehničke karakteristike Robe i odgovoran je za sve eventualne nedostatke i defekte na isporučenoj Robi.
- (3) Garantni rok za isporučenu Robu traje minimalni vremenski period koji je zahtijevan od strane Kupca u Tenderskoj dokumentaciji i teče od dana isporuke Robe.

Član 14.

- (1) U garantnom roku Prodavac se obavezuje da odmah započne sa zamjenom ili popravkom i otklanjanjem kvarova i nedostataka na isporučenoj robi, i to na način i u rokovima utvrđenim u Tenderskoj dokumentaciji u Obrascu za cijenu ponude, koja čini sastavni dio ovog Ugovora.
- (2) Prodavac preuzima neispravnu i vraća popravljenu Robu u mjestu isporuke robe.
- (3) Prodavac će u garantnom roku obezbijediti servisiranje, odnosno otklanjanje kvarova na Robi. Servis se realizuje kroz ovlaštene servise proizvođača.
- (4) U garantnom roku zamjene, popravke, otklanjanje kvarova i nedostataka na isporučenoj Robi padaju na teret Prodavca.
- (5) Ukoliko Prodavac ne bude u mogućnosti da započne otklanjanje kvarova i nedostataka u roku utvrđenom Tenderskom dokumentacijom, od dana prijema obavještenja od strane Kupca, Kupac ima pravo da sam otkloni nedostatke ili da ovaj posao povjeri trećem licu, o trošku Prodavca.
- (6) Na popravljene i zamjenjene dijelove robe, garantni rok počinje teći od dana izvršene popravke ili zamjene.
- (7) Garantni rok se produžava za period koliko je trajalo otklanjanje nedostataka ili kvarova Robe.

XI. VIŠA SILA

Član 15.

- (1) Nastupanje više sile oslobodja od odgovornosti Ugovorne strane za kašnjenje u izvršenju ugovorenih obaveza.
- (2) O datumu nastupanja, trajanju i prestanku više sile, svaka Ugovorna strana je dužna da bez odlaganja, a najkasnije u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (pismeno, telefax i sl.).
- (3) Kao slučajevi više sile smatraju se prirodne katastrofe, požar, poplava, eksplozija, transportne nesreće, odluke organa vlasti, štrajk i drugi slučajevi koji se u momentu zaključenja ovog Ugovora nisu mogli predvidjeti i nisu prouzrokovani činjenjem, odnosno nečinjenjem nijedne od Ugovornih strana.

XIII. ROK VAŽENJA UGOVORA

Član 17.

Ovaj Ugovor se zaključuje na određeno vrijeme i važi od dana potpisivanja do isteka garantnog roka od 24. mjeseca.

XIV. KONTAKT

Član 18.

Kupac i Prodavac su saglasni da će se sva korespodencija u vezi sa izvršenjem ovog Ugovora i praćenje izvršenja ovog Ugovora voditi putem ovlaštenih osoba za kontakt:

Ugovorna strana	Kontakt osoba	Kontakt telefon	Elektronska pošta
Kupac	Mirza Berković	033 565 202	mirza.berkovic@gmail.com
Prodavac	Aida Višća	062 583 863	aida@tel-net.ba

XV. RASKID UGOVORA

Član 19.

- (1) Pravo na raskid ovog Ugovora zadržavaju obje Ugovorne strane.
- (2) Ukoliko Prodavac ne izvrši ugovorene obaveze u roku i na način utvrđen Tenderskom dokumentacijom i ovim Ugovorom (napr. isporučena Roba ne odgovara zahtjevima iz Tenderske dokumentacije u pogledu tehničkih karakteristika, kvaliteta i kvantiteta), Kupac će Prodavcu ostaviti naknadni primjereni rok za izvršenje obaveza, u kojem slučaju se Prodavac ne oslobađa obaveze plaćanja ugovorne kazne iz člana 9. ovog Ugovora.
- (3) Ako Prodavac ne izvrši ugovorene obaveze na zadovoljavajući način ili ih ne izvrši ni u ostavljenom naknadnom primjerenom roku, Kupac će dostaviti pismenu obavijest Prodavcu o raskidu ugovora sa razlogom raskida ugovora i to 15 (petnaest) dana prije raskida.
- (4) Ugovor se raskida, uz obavezu Prodavca da Kupcu nadoknadi štetu koju je pretrpio zbog neispunjenja ugovorenih obaveza.

XVI. POVJERLJIVE INFORMACIJE

Član 20.

Ugovorne strane su saglasne da sve informacije koje Prodavac sazna u vezi sa vršenjem obaveza utvrđenih ovim Ugovorom imaju status strogo povjerljivih poslovnih informacija i neće biti ni pod kojim uslovima saopštavane trećim licima, izuzev uz pisanu saglasnost Kupca.

XVII. ZAVRŠNE ODREDBE

Član 21.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 22.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 23.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 24.

- (1) Ovaj Ugovor stupa na snagu kada ga potpišu i ovjere ovlašteni predstavnici Ugovornih strana.
- (2) Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Član 25.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana. Svi primjerci važe kao original i imaju jednako pravno djelovanje.

ZA KUPCA

Rektor


Prof. dr. Rifat Skrijelj


Broj: 0101-8585 / 19
Datum, 14.10.19



ZA PRODAVCA

Direktor

Aida Višća


Broj: TELNET d.o.o. Sarajevo
Datum, 18.10.2019

